

O meu neninho pequeno,
quen o ha d'acalantar-e
a nanai vai no muíño
e o papá vaina buscar-e
e-e-e, ron-ron-ron
que ehi ven o cocón
pilla-lo neninho
que non chora non
e-e-e-e-e

O meu neninho pequeno
quen lle ha de da-la teta
a nanai vai no muíño
e o papá na leña seca
e-e-e, ron-ron-ron
que ehi ven o cocón
pilla-lo neninho
que non chora non
e-e-e-e-e

O meu neninho pequeno,
pequeniño com'un rato,
heino de levar ó muíño
e 'nterralo nun burato
e-e-e, ron-ron-ron
que ehi ven o cocón
pilla-lo neninho
que non chora non
e-e-e-e-e

Unha noite no muíño
unha noite non é nada,
unha semaniña enteira
esa si que é muiñada.

Unha noite fun ó muíño
cun fato de nenas novas,
todas elas en camisa,
eu no medio en cirolas.

Na miña vida tal vin
o que vin esta mañana,
un caracol nunha fonte
caracolando unha rama.